

张羽新 徐中起 欧光明 主编

张双志 苏钦 副主编

《清朝安边治国 民族立法文献汇编》



中国民族摄影艺术出版社

本册目录

(乾隆)钦定大清会典(三)

欽定四庫全書

欽定大清會典卷三十五

禮部

儀制清吏司

軍禮

親征

凡

親征之禮

皇帝將有討於弗庭者既卜日先期遣官祇告

天

地

宗廟

社稷

太歲

頒行軍律令

詳見兵部

至日遣官致祭

道路之神於

天安門祭

火礮之神於教場鑒儀衛陳騎駕鹵簿於

午門外兵部陳八旗蒙古畫角十有六海螺二百
於

堂子街門外西嚮設

御營黃龍大纛於

堂子內門外設八旗護軍纛八火器營纛八於

黃龍大纛後均北嚮所司豫設

皇帝拜位於

圓殿外甬道正中及

大纛前從征王公將士咸征衣佩刀不從征之王
公暨滿一品官咸采服至街門內東面祇跪禮
部堂官詣

乾清門奏吉時

皇帝御征衣佩刀出宮乘騎前引後扈如常儀

駕發警蹕

午門鳴鐘騎駕鹵簿前導至長安橋八旗鳴角軍
鳴角護軍吹螺

駕入

堂子街門螺角止

皇帝降騎禮部堂官二人恭導由內門中門入就

圓殿外拜位南嚮立鴻臚官引王公於丹陛上衆官於

丹陛下序立鳴贊官奏跪拜興

皇帝率羣臣行三跪九拜禮畢恭導

皇帝就

大纛前拜位南嚮立引王公百官咸就拜位

皇帝率從征將士及羣臣行三跪九拜禮贊不螺角齊

鳴禮部尚書跪奏禮成

皇帝屬纁韉乘騎導迎樂作奏祐平之章內大臣侍

衛率親軍舉黃龍大纛隨行

駕由都門出八旗官軍分翼陳列郭外

皇帝出郭三舉礮官軍皆馬上俯伏候

駕過不從征之王公百官咸米服於郊外跪送迺啟

行軍士各整伍以次扈蹕每舍遠偵候設巡警

詳見
兵部如制所過

名山大川及應祀

風雨之神均遣官祇告○六軍凱旋是日鑾儀衛

陳法駕鹵簿自郊外五里設至

堂子街門外在京王公以下有頂帶官以上咸米服出

郭五里跪迎於道右

京城紳士軍民各懸米設香案跪迎

皇帝由都門入前引後扈如儀法駕鹵簿前導導迎

鼓吹皆作

駕詣

堂子率從征不從征之王公一品官於

圓殿行三跪九拜禮畢

皇帝回鑾百官於

午門外按翼跪迎王公隨至內金水橋候

駕還宮皆退翼日遣官祇告

天

地

宗廟

社稷致祭

陵寢行飲至禮凡從征將士皆與燕

策勲行賞各有差擇吉禮部奏請

皇帝御太和殿受羣臣表賀如大朝儀

頒詔布告天下直省文武官咸奉表賀遣官祭隨營

旗纛

火礮之神於都門外教場分遣各官致祭

獄鎮海濱

前代帝王陵寢

先師闕里廼告成太學勒石紀功以平定方畧宣付

史館

命將

凡

命將之禮

皇帝命大將軍統帥軍旅擇吉出師先期

臨軒授

勅印是日鑾儀衛陳法駕鹵簿大將軍率從征諸將

咸采服集

午門外內閣豫陳

勅印於

太和殿內東旁黃案

皇帝御殿王公百官咸朝服侍班鴻臚官引大將軍
由左階升至殿檐下大學士一人奉

勅一人奉印出授大將軍大將軍跪受轉授內閣官
跪接畢行三跪九叩禮興隨奉

勅印官降左階出

太和門中門

皇帝還宮至日遣官祇告於

奉先殿所司張

黃幄於

長安左門外設

御座

皇帝率大將軍詣

堂子行禮拜

肅均如儀禮畢

御黃幄

陞座

賜大將軍卮酒大將軍跪受飲畢屬橐鞬乘馬文武

大臣承

詔餞於郊設祖帳禮兵二部堂官奉茶大將軍率從
征將士望

闕謝

恩迺率大軍進發既蒞營申明軍令肅隊啟行○大
軍凱旋次於近郊或

御駕親臨或

命廷臣迎勞還京日

皇帝御太和殿大將軍由左階升奉上

勅印行三跪九叩禮畢迺

賜大將軍等燕及爵賞有差遣官以成功祇告

天

地

宗廟